

Si₂ carta jë₁ca₂té₂ tìn₃ a₂ca₂jmo₃

SAN JUAN

Jág₁ dsau₅, quian'₅₄ 'a₂ lia'₂ 'nió'₅ jme₃'nio₃ dsa₂ riin'₅₄

1 ¹ Jniá₂ i₂líng₅ gui'₅₄ juín₂ quián₅ guá'₅ jmo₂₃ si₂ la₂ tsíng₂ ne'₅₄ 'ne₂ 'io₅₄^a rin'₅₄ jniog₄ i₂ma₂quion'₅₄ quián₅ Diú₄, quian'₅₄ chi'₂ quiáng'₂ i₂'nióg₃ gué₄ lin₃. On₃jua'₅₄ jmá'₃ jniá₂ 'nióg₃ 'nia'₂, ján₃ bá₄ 'nio₃ ca₂le₃jín₃ i₂ma₂le₁ñj₅ jág₁ tí₅. ²O₄quió'₄ jág₁ dsau₅ bá₄ 'nióg₃ 'nia'₂, jág₁ a₂ma₂té₁'niá₄ tē₂dsi₅ jniog₄, ton'₂ jiog₅ co₂tan₅₄ ja₁con₂ jniog₄. ³Diú₄ Jmei₂ quian'₅₄ Te₁gui'₅₄ Jesucristo Ja₁ñj₁'₅₄, jui₁jme₂gu'₅₄, dsia₃ ñéi'₂ dsí₅, jmo₃ 'ag₃ tei₄ 'au'₂ 'nia'₂, ia₁ a₂dsón'₂ bá₄ 'nói₃ 'nia'₂.

⁴ 'Nio₅ tē₅ dsi₃ ia₁ ma₂jing₅₄ i₂lin₅₄ chi'₂ quiáng'₂ tiáin'₅ bá₄ lia'₂ con'₂ lé₅ jág₁ tí₅, lia'₂ con'₂ lé₅ juá'₂ Diú₄ Jmei₂ jniog₄, 'éi'₃ a₂ma₂cuë₃. ⁵Né₃ 'io₅₄ rin'₅₄ jniog₄, mi₅ jniá₂ juíg₂ 'ne₂, a₂jme₁'nió₄ jniog₄ rin'₅₄ le₂jau₂ le₂jau₂. A₂juá'₅ jniá₂ ne₄ si₂ la₂, on₃jua'₅₄ 'éi'₃ 'mí₂ la₂, 'éi'₃ jaun₂ bá₄ la₂ jui₁lia'₂ 'éi'₃ a₂jme₁ma₂ron₅ quián₂ jniog₄ le₂'uig₅₄. ⁶Le₂né₅ bá₄ jme₁'nió₄ jniog₄ rin'₅₄: a₂i₂nio₄ jniog₄ lia'₂ con'₂ lé₅ 'éi'₃ quió'₅ Diú₄. 'Éi'₃ a₂ma₂nei'₂ 'nia'₂ le₂'uig₅₄ bá₄ jaun₂, a₂le₃chang'₂ jme₁'nióg'₄ ríng'₂.

Jui₁lia'₂ dsa₂ i₂jme₂gau₅

⁷ Le₂con₂ mi₂güíg₃ bá₄ i₂nio₄ juín₅ dsa₂ i₂jme₂gau₅, tsá₃ jág₁ jmo₂₃ jua'₅₄ a₂juá'₂ a₂ca₂guan₃ Te₁gui'₅₄ chi₁dsái₃. Dsa₂ le₂'éi₂ bá₄ lín₅ i₂jme₂gau₅, i₂'ñja₅₄ Cristo né₃. ⁸Jmo₄ 'nia'₂ 'í₁ ia₁jaun₂ tsá₃ lë₁dsi₃'én₂ ta₁ quián'₂ 'nia'₂ a₂jmo'₂ ia₁ 'éng'₂, jaun₂ bá₄ tìn'₃ 'nia'₂ lia'₂ 'ñja₅ 'liang'₅₄ cuë₃ Diú₄.

⁹ Ia₁ jui₁'ein₂ gué₃ i₂dsi₂jniá₄ jmo₂₃ ñag₅₄ gué₄ jme₂tag₂₃ con'₂ jág₁ a₂ma₂ca₂jme₃tag₅ Cristo, tsá₃ Diú₄ quian'₅₄ dsa₂ 'éi₂. La₁ jui₁lia'₂ i₂juá'₂ jme₂tag₂₃ con'₂ lë₅ ca₂jme₃tag₅ Cristo, chan₂ Diú₄ Jmei₂ ja₁coin₂, ján₃ guë'₂ quiain'₅₄ bá₄ Ja₁ñj₁'₅₄ Diú₄ né₃. ¹⁰Né₁jua'₂ chan₂ i₂ca₂dsióg₃ ja₁con'₂ 'nia'₂, la₁ né₁jua'₂ tsá₃ jme₂tag₂₃ lia'₂ con'₂ lë₅ jág₁ né₅, tsá₃ lë₁guéin₅ 'nia'₂ dsi₂néi₂ quiáng'₂, ca₂lia'₂ jñja₅₄ Diú₄ tsá₃ 'nió'₅ cuíñ₄ 'nia'₂. ¹¹Ia₁ né₁jua'₂ chan₂ i₂ca₂cuíñ₃ Diú₄ dsa₂ le₂'éi₂, co₂'nió'₄ quein'₅₄ 'e₂ a₂'lig'₅₄ a₂jmo₅-dsáu₅ 'éi₂.

Jág₁ jë₁ca₂tó'₂

¹² 'Lióng₂ bá₄ jág₁ a₂'nio₃ jniá₂ juíg₅₄ 'nia'₂, la₁ tsá₃ 'nio₃ jniá₂ jua'₅₄ a₂juá'₄ tē₂le₃ quian'₅₄ si₂, on₃ guë'₂ quian'₅₄ jmi₁jné₂. Ia₁ 'ín₂ dsi₃ jniá₂

^a**1** I₂lin₅₄ tē₅sí₃ ñí'₂ dsí₅ jui₁lia'₂ jág₁ né₅, co₂'nió'₄ tē'₂ guá'₅ né₂jag₄ bá₄ jan₂ 'io₅₄; chi'₂ quiain₅ guë'₂ né₃, co₂'nió'₄ dsa₂ i₂tén₅ guá'₅.

dsiób₄ bá₄ 'ñiÓ₃ ia₁jaun₂ dsiá₁ jniog₄ jág₁ dsi₁ne₁, ia₁jaun₂ le₃'ñia₅ a₂'io'₂ jein₂ jniog₄.

¹³ Chi'₂ quián₅ 'io₅₄ ríng'₂ i₂ma₂quion'₅₄ quián₅ Diú₄, dsiáin'₂ jág₁ a₂cuiin₂₃ Diú₄ 'nia'₂.

Co₂në₅.